




نسخ وادست

۱۳۳۶



بکون بیلنیر قسقه، مجموعہ مملکت
پہ چوق آرائیہ اور تہ، مملکت و تہ

ایتدک شرف خدمت اجدادی فراموش
آثارینہ اسلاف رک رغبت اولمیز

او مقاله بی سلطان مشارالیه حضرت تلیله ابن کمال حضرت تلیینه وسیله رحمت
اولق اوزره تبرکاً و عیناً نقل سطور مفخرت ایلوروز :

..

ابن کمال حضرت تلینک سور پرسرور ختان وازدواج حقنده کی مقاله لری

سنه خمس وثمانین وثمان مایه ده که سلطان محمدخان سریر کردون
نظیرنده تمطبار قرار ایتشدی طرف طرف افواج لشکر، امواج دریا
کبی حرکت کلوب کندولری دارالملکند سکون اختیار ایله مشدی .
کدک احمد پاشا پوله دیارینی تسخیر ایدوبدرردی . مسیح پاشا
ردوس آده سفی قاره پیر ایدوبدرردی

بیت فارسی

بر هر طرف که چشم نبی چلو و ظفر وز هر جهت که گوش کنی مژده امان .
مذکور سنه نوک شهیرنده سور سرور بنفشه بنیاد اورب استانبولده غی
سرای قدیمده که خنت آباددن نمونه در . عظیم اجلاس و شاهانه جمعیت
اندی .

نیرملری [۱] سلطان شهنشاهی و سلطان احمدی سلطان قورقودی
وسلطان محمودی و سلطان علمی [۲] و سلطان سلیمی و اوغوزخانی جمع
ایدوب سنت اندی .

مذکور اوغوزخان سلطان جم کلستانوک بلبل شیرین گفتاریدی .
باقیسی حضرت سلطان جهان بایزید خان کلزارنوک ازهاریدی .
اول شاعرزاده لری که هربری بستانسرای جهان آرای سعادتدم .
پرسرو آزادهیدی . دارالملک قسطنطنیه زیب وزینت بولدی .

[۱] اوغلاک اوغل ، طورون ، حفید .

[۲] علمشاه

اول درج سلطنت کو ہر لریہ کہ اوج برج عنزندہ ہر بری براخترتاباندی .
کنار سریر ہایون خلافت نظیر ، دائرہ چرخ کردون اولدی .
شهرک ایچی پرزیب وزینت اولوب بیت المروسه ، وکنار پرنقش
ونکاری پرمطاووسه دوندی .

مراسم تہنیتی تقدیم ایچون اعظم امرای اقالیمدن پیشکشلر کلوب
درکاد آسمان اشتباہه چکلدی .

زمین دیوان سلطان جهانی ، مذهب و منقش قدیفه لر و کمالر ، فرش
برازہارکستان کبی زین قلدی .

برآی عیش و عشرت اولنوب صدای صفا ایله گوش سما طولوب
ہرکشی ارکک و دیشی ، ایشن کوچن قودی . اول دوکون شوقه
دون کون ذوق و صحبت بحرینه طالب نقش ملال ورنک کلالی لوح بال
وصحیفه خیالدن یودی .

سلسیل جنت کبی لذیذ نظیف شربتلر سیل اولوب خاص جینی لرله
لطیف طعاملر جلیل و ذلیلہ عام اولدی .

اصناف اغدیہ بی کرانله اطراف خوان زمین مالامال اولوب انواع
اطعمه بی قیاسله طاس فلک یرین بولدی .

حضرت پادشاه خلافت پناہ اول سور پرسرورده شہزادہ لری
سنت ایدوب شہزادہ اعظم سلطان عبداللہی اوددی . شہد ایله شکرہ
آمتزاج ودر ایله یاقوتہ ازدواج و یروب مرحوم سلطان مصطفامک
دختر فرخ منظر و فرخندہ اخترین آکا ویردی .

نظم

کلوب برآرہ یہ خورشید وناہید شرف برجندہ ایتدیلر قرانی
اولوب تأثیری ظاہر اول قرانک شرف بولدی سعادت آسمانی
مراسم سنت اقامت اولنوب مصلحت عروس تمام اولدقن صوکرہ
سلطان عبداللہ کنہ [۱] دارالملک قدیمہ کہ مغنیا ایدی کتدی .

شهریار تاج بخش و ممالکستان، سلطان شهنشاهه اقلیم منتشای و سلطان احمد چوروم ولایتی ارزانی کوروب احسان ایتدی .

سلطان سلیم شاهی کنه آتاسی خدمته کوندروب باقی شهزاده لری کندی یاننده آلی قودی و تربیت ایلدی . و هربری که فرقه آسمان سعادت و قره العین سلطنتدی . نظر عنایتله منظور ایدوب رعایت ایلدی .
راوی مقبول الروایه دن شویله منقولدر که دو کوندن صکره برکون مذکور شهزاده لر مرحوم و مغفور سلطان محمد خاتک خلوتخانه سینه کیردی لر .

صدر مسند اقبالده اوتورورکن اول بدر آسمان قدر جلالک حضور پرچورنده پروین مثالی جمع اولوب سریر هایون کردون نظیرینه زینت ویردی لر .

شهریار کامکار نیرملرینک وارین بریده کوروب بساط نشاطی بسط ایلوب اول بلبلرله قارشو غنچه وار انبساط اظهار ایتدی .
مریوزدن سوز آجوب مکاشفه ایدرک اثنای مکالمه ملاطفه ایدرک - اتاکزیمی چوق سوه رسکز یوقسه بنیمی - دیو استفسار ایتدی .
هربری شراب شافی کبی خوش آینه جواب ووروب - سلطانی ارتوق سوز - دیوب کل رعنا کبی قلبنده اولانوک خلافت اظهار ایلدی .

آرملرنده سلطان احمد خوش آمدی قویوب آ بکینه صافی کبی سینه سنده اولانی آشکار ایدوب آتاسی زیاده سودوکنه اقرار ایلدی .
اول گفتار بی هنجار - سلطان جهانگیرک ضمیر منیر آینه نظیرینه غبار ووروب مذکور شهزاده یه سائر برادرلرندن اکسک نظر ایتدی .
اول موحش کلام خام اوجندن خاطر عاطر جام کیتی نما مثاله انکسار اوروب اول سرو آزاده نک تربیتنده و رعایتده تفاوت فاحش آکلتدی .

مذکور شهزاده فرخنده فال و فرخ مال ، قصور رعایتی او جندن
بریشان خاطر و منکسر البال اولوب بر زمان صبر ایلیدی .
چون سلطان جهان حضرت بایزید خان سلطنت سریرینه کچدی .
آنی کندو یرینه کچورب اول سابقا اولان نقصانه جبر ایلیدی ،

تذیل

ایشته کوریلور که ولی نعمتمز پادشاهمزا فند من حضرت تلرینک یکی باشند
خاندان سلطنت آرمسند . آچش اولدق لری بومتیمین و مبارک چینغر
بر فاتح سلطان محمد خان ثانی و برده شهریار باعث الافتخار من سلطان
محمد خان سادس حضرت تلری زمان مسعدت نشان شاهانه لرنده وقوعبولمش
اولور . کشاد بیوریلان بودوره نوین سعادت آثار ، عثمانلی خاندان هایونمزک
مقام معلاسنه جدا لایق و سزاوار و عموم افراد ملت ایچونده مسئلزم
مفخرت و مسار اولدیغندن بو تشبث متیمینک طرفین حقنده مسبول
اولسی دعاسنی دعوات خیریة حضرت خلافتناهی یه تردیفاً بارکات جناب
کبریایه اعلا و بو وسیله ایله وجیه تبریکی ایفا ایلرز .

آثار مخله اوقافک احوال پر مالالی حقنده ایکنجی دفعه اوله رق
حضور فخامتشنور جناب صدارت عظمایه یکریمی کون
مقدم تقدیم ایلدیکم وجداننامه صورتیدر :

معروض عبد مملوک لریدر

استانبول چشمه لرینک صورت جریانی حقنده شکایت وقوعبولجه صو
بجرالرینک تعمیریه بهانه سنی اورتیه آتمق اوقاف نظارتی هیئت فیه
ادارمنک عادات قدیمه سندندر .

شو صو مجراسی ماجرالری بک چوق صو کوتوره جکی جهتله
اونک ایضا حاتی براز کیرویه براقه جنم .